

玄覽堂叢書續集

第二十冊



玄覽堂經書續集 卷二十





總督四鎮奏議卷之一目錄



交代疏

議改文武官員疏

叅備禦等官疏

議復遵化輜重營疏

叅貪肆坐營提調疏

議復車營將領職銜疏

叅叅將把總疏

甄別主客將領疏

總督四鎮奏議卷之一

交代疏

題為交代事臣原任協理京營戎政兵部左侍郎
以萬曆十年十月十三日丁憂回籍萬曆十三
年八月初十日准吏部咨為缺官事該本部等
衙門會題奉

聖旨是王一鶚著以原官兼都察院右僉都御史整
飭薊州等處邊備兼巡撫順天等府地方寫勅與
他欽此欽遵臣趨赴任間本年十月初六日准吏



部咨為缺官事談本部等衙門會題奉

聖旨是王一鶚著以原官總督薊遼保定等處軍務
兼理糧餉寫勅與他欽此欽遵備咨到臣臣欽惟
有

命自

天竊愧致身無地謹望

闕焚香叩頭謝

恩即以單騎就道於十月二十九日前到密雲與原
任總督今回部管事尚書張 交代任事外

伏念臣猥慚驚寒自分沉淪恭蒙我

皇上拔於草土之中授以軍旅之寄先謂勉脩舊業
尚足備役於一隅詎意載荷

新恩乃以代置於四鎮地當拱衛

陵京豈綿力足肩屏翰之任職在調度兵食非庸才
可操計畫之籌障塞四千餘里處處當防每萬
目於牖戶之綢繆戍卒二十餘萬人當練敢
弛念於爪牙之鼓舞遼則主戰薊則主守竊求
共成犄角之勢東夷恃衆西夷恃狡安得先伐

犬羊之謀察虜情恤軍情庶圖有備無患固元
氣壯神氣寔則有志未能惟聯屬文武將吏以
同心殫竭戰守脩練之實力此臣犬馬之懷所
願報之於

皇上而尺寸之效則不敢自必於疆場者也緣係交
代事理為此具本專差鎮撫楊萬金親齎謹題
請

旨

萬曆十三年十月 三十 日

議改文武官員職銜疏

題為乞

賜議改文武官員職銜以圖保障衝邊事准巡撫遼東地方兼贊理軍務都察院右僉都御史顧

會稿竊惟邊疆之事任人為急而文武之臣正名為先擇材而用畫地而守優之名號假之事權與之以其所樂就責之以其所能為如是而人不效其長事不登於理者未之有也况遼左何地也今何時也兩河之間二千餘里之內

處處受敵日夜卧薪嘗膽擐甲枕戈以待猶然
不給戰守之士恨不人百其身而其間文武之
臣責之以當一面者尚可使有不得其當者乎
等因會稿到臣該臣會同巡撫遼東地方兼贊
理軍務都察院右僉都御史顧
巡按山東
監察御史趙崇善議照

國初於遼左並設苑馬太僕二寺以重馬政其後
省太僕而以苑馬兼之苑馬卿駐蓋州領遼之
南四衛金復海蓋之地地方千數百里而遠視

諸道所轄為獨廣

祖宗設官之初意非不重苑馬卿也而先年以南衛之地去邊稍遠虜不常至稱腹裏視苑馬寺為閑局官苑馬卿者為劣處往雖以邊方故疏兼憲職而稱苑馬卿如故世俗習心不能變也夫以劣處者之心居腹裏閑局之地以為虜不常至也而一切因循苟且之以故兵不習於戰城堡器具不備於守所從來長遠矣今虜之所垂涎者南四衛也而無備故今遼左之最可憂者

南四衛也而其急在任人任人則苑馬之銜不可仍襲故常而銷阻有志者之氣如曩時也頃者苑馬卿曹子朝以年勞加按察使似為得矣而按察使非常秩也誠恐子朝陞轉之後而苑馬秩如故非所以作士氣而重邊臣臣等是以不能不先為之

請耳此文臣之銜所當改者也臣等所謂擇材而用優之名號與之以其所樂就者此也又談撫臣顧行據分巡道按察使任天祚呈稱錦義

兩州邊長二百餘里計邊堡一十二處叅將一員駐義州守備一員駐錦州仍聽叅將節制每遇虜報互相馳援勢不能及是錦州屬義州而叅將苦於調度義州轄錦州而守備苦於拘攣名存節制事多掣肘欲將義州叅將轄義州備禦而以義州衛廣寧後屯衛牽馬嶺驛大清大靜大寧大平大康大安大定七堡屬之錦州守備改為遊擊轄右屯備禦而以廣寧左屯右屯中屯三衛大凌河松山二所小凌河杏山十三

山三驛大茂大勝大鎮大福大興五堡屬之及
查錦州見在馬步官軍家丁一千七百七十一
員名內有馬官軍家丁一千八十八員名無馬
軍士六百八十三名不足防守仍宜添兵一千
名於河東河西寄籍流移之人陸續召集充補
支食逃故軍餉馬價於年例數內給發盔甲弓
箭於歲造內支給疆界照前分管叅將遊擊

勅書另行

請換等因臣等查得先是督臣張

嘗以是為

請矣今從其議便此武臣之職所當改者也臣等所
謂置也而守段之事權責之以其法為首此
言置也而守段之事權責之以其法為首此

也伏乞

勅下吏兵二部再加查議如果臣等所言可行將遼
東苑馬寺卿改為山東布按二司官職銜管苑
馬寺事仍查才望素著資俸相應之臣以充是
任一切兵馬錢糧城堡器具戰守機宜悉聽查
議舉行及將錦州守備改為遊擊與義州叅將
如前分地而守彼此有警得相應援而不得相

統屬庶文武二臣各得因職盡分而衝邊之保障有賴矣緣係乞

賜議改文武官員職銜以圖保障衝邊事理未敢擅便為此具本專差鎮撫楊萬金親齎謹題請

旨

萬曆丁三年十一月 十四 日

叅備禦等官疏

題為集衆議陳愚悃以裨戎政事准巡撫遼東地
方兼贊理軍務都察院右僉都御史顧 會
稿據山東布按二司分守遼海東寧道兼理邊
備右叅議傅霖分巡遼海東寧道兼理廣寧等
處兵備按察使任天祚整飭寧前兵備副使劉
易從整飭開原兵備右叅政王緘遼東苑馬寺
卿曹子朝各呈將各路副叅遊守原係都指揮
使以下等官逐一詢試考核備將各官賢否實

蹟呈報到職據此案照萬曆十三年二月十八日准兵部咨職方清吏司案呈照得萬曆十一年十二月內該巡視京營科道等官傳來鵬等題陳復舊制以儲將材一款本部覆議今後如遇考選軍政之年各邊將領仍照原議與腹裏省直如遇五年應考之期本部預行各該總督撫按官將所屬大小將領從公詢試如有貪酷庸懦年老有疾等項不拘多寡名數會同具奏議斥如罪惡未至昭彰年力尚堪策勵者不得